

UGOVOR O NABAVCI USLUGE STRUČNOG USAVRŠAVANJA

Zaključen između:

Ustavni sud Bosne i Hercegovine, Ulica Reisa Dž. Čauševića broj 6., Sarajevo, kojeg zastupa predsjednik Mirsad Ćeman (u daljem tekstu: **Naručilac usluga**)

„HR Pro solutions“ d.o.o., Ulica Tešanjka 24a, Sarajevo kojeg zastupa direktor Mirela Topić (u daljem tekstu: **pružalac usluga**)

Član 1.

Predmet ovog Ugovora je pružanje usluge stručnog usavršavanja zaposlenih Ustavnog suda Bosne i Hercegovine, i to:

- Upravljanje učinkom za rukovodne radnike u Sekretarijatu Naručioca - trajanje: 1 dan (8 sati); grupa od maksimalno 20 učesnika; i
- Upravljanje učinkom za nerukovodeće pozicije u Sekretarijatu Naručioca - trajanje: 1 dan (8 sati); 2 grupe od maksimalno 30 učesnika po grupi.

Usluga iz stava 1. ovog člana se ugovara u skladu sa ponudom pružaoca usluga - Prijedlog za saradnju broj: 17/16 - Pružanje usluga stručnog usavršavanja zaposlenika za Ustavni sud BiH (tačke 1., 2.3., 3., 4. i 5.), u vezi sa Pozivom za dostavu ponuda za stručno usavršavanje uposlenika Ustavnog suda Bosne i Hercegovine u 2016. godini br. P3-38/16 od 26. januara 2016. godine.

Na zahtjev Naručioca usluga u program edukacije i u okviru ugovorene vrijednosti, može se uključiti i posebna kategorija (sudije), sa posebno koncipiranom temom i/ili aspektom usavršavanja koji će biti kompatibilni ovlaštenjima i odgovornostima sudija a u okviru ciljeva i svrhe usavršavanja prema ovome ugovoru.

Član 2.

Ukupna vrijednost ugovora je **4.680,00 KM (Slovima:četirihiljadešeststotinaosamdeset/KM)** sa PDV-om, na osnovu Prijedloga za saradnju broj 17/16.

Član 3.

Mjesto pružanja usluge je Ustavni sud Bosne i Hercegovine, Reisa Dž. Čauševića broj 6, Sarajevo.

Član 4.

Tačan datum izvršenja ugovorene usluge ugovorne strane će naknadno sporazumno utvrditi, s tim da će ista biti realizovana najkasnije do 20. jula 2016. godine.

Član 5.

Pružalac usluga se obavezuje da će :

- usluge iz člana 1. ugovora biti obima i kvaliteta saglasno Prijedlogu za saradnju broj 17/16 i nalogima dobijenim od Naručioca usluga.
- obaveze iz Ugovora izvršavati sa pažnjom dobrog privrednika, savjesno, efikasno i ekonomično u skladu sa općeprihvaćenim pravilima struke, uobičajenom praksom za tu vrstu posla i nalogima koje dobije od Naručioca usluga.

Član 6.

Ugovor stupa na snagu danom potpisivanja od obje ugovorne strane, a traje do izvršenja ugovorene usluge.

Član 7.

Pružalac usluga će sve podatke, obavještenja, naloge i dokumentaciju koje dobije u postupku izvršenja ugovora čuvati kao poslovnu tajnu u periodu važenja ugovora i u periodu nakon isteka odnosno eventualnog raskida Ugovora.

Pružalac usluga neće, bez prethodne pisane saglasnosti Naručioca usluga usmeno ili pismeno saopćavati bilo kakve informacije u vezi sa Ugovorom drugim licima.

Pružalac usluga nema pravo da koristi dokumenta koja se odnose na ovaj ugovor ni u kakve svrhe koje nisu u vezi sa ovim ugovorom, bez prethodno pribavljenog pisanog odobrenja od strane Naručioca usluga.

Član 8.

Svaka od ugovornih strana može jednostrano raskinuti Ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Svaka od ugovornih strana može raskinuti Ugovor zbog toga što neka od ugovornih strana svoje dospelje obaveze ne ispuni ni u naknadno prihvatljivom roku za obje ugovorne strane.

Ugovor se ne može raskinuti zbog neispunjenja neznatnog dijela obaveze. Kao neznatno neispunjenje smatraće se ono koje bitnije ne otežava ostvarivanje svrhe ovog ugovora.

Izjava o raskidu Ugovora daje se pismeno. Ugovorna strana koja je osnovano, jednostrano raskinula Ugovor ima pravo na naknadu štete prema općim pravilima obligacionog prava o naknadi štete.

U slučaju raskida Ugovora, bez obzira na osnov raskida, Pružalac usluga će, bez odlaganja, a najkasnije u roku od 7 dana od dana raskida, predati Naručiocu usluga svu dokumentaciju kojom raspolaže, a koja je u vezi sa izvršenjem Ugovora.

Član 9.

Svi eventualni sporovi koji nastaju u vezi sa realizacijom ovog Ugovora rješavat će se sporazumno, a u protivnom nadležan je stvarno nadležni sud u Sarajevu.

Član 10.

Ugovorne strane su saglasne da se za sve ono što nije definisano ovim ugovorom primjenjuju odredbe Zakona o obligacionim odnosima.

Član 11.

Ugovor je sačinjen u 4 (četiri) istovjetna primjerka, od kojih po 2 (dva) primjerka zadržavaju obje ugovorne strane.

Za Pružaoca usluga:

„HR Pro solutions“ d.o.o.
Direktor
Mirela Topić



Sarajevo, 08.07. 2016. godine

Broj: 21/16

Za Naručioca usluga:

Ustavni sud Bosne i Hercegovine
Predsjednik

Mirsad Čeman



Sarajevo, 7. 2016. godine

Broj: 38/16-VI